


26908

共20册



御製通鑑節要序

不極。帝王之道。皆萬世為

治之法。諸史。則秦漢以下。治亂

興衰之迹。寓焉。亦君天下者之

所當知也。我

皇考孝宗敬皇帝。臨御十有八年。

純以六經之道為治。萬幾之暇。

無他玩好。獨愛觀前代史籍。以
為法戒。嘗

命翰林儒臣。取皇王大紀。通鑑綱
目諸書。撮其要略。上自三皇。下
訖元季。總為一書。

賜名歷代通鑑纂要。朕嗣位之初。
仰承


先志。亟命儒臣。日以進講。至施于
有政。一惟

皇考是法。近偶檢少微節要。悅之。
其書首載帝王之事。本諸經者
為多。諸史則表志序贊。及諸儒
議論音註。或總類於一代之終。
或附著於各事之下。詳不至泛。


通鑑序
略不至踈。一開卷間。首尾具見。蓋讀史者之捷徑也。前日纂要之修。亦備採擇。第歲久字畫間有模糊。因命司禮監重刻之。又以宋元節要續編附于其後。續編義例。尚未精當。視少微所述。似有不逮。姑取其通為一書。得備觀歷代之迹。即其善否。以驗今日政治。又將以折衷於帝王之道。庶幾

先朝輯錄纂要之意。工告訖。特為之序。用著其所由刻云。

歷代帝王




三皇 五帝 三代 秦 漢 三國



一月十三日

傳授總圖



西晉 南北朝 隋 唐 五代

少微通鑑外紀目錄

卷之一

三皇紀

伏羲

神農

黃帝

五帝紀

少昊

顓頊

帝嚳

堯

舜

卷之二

夏紀



禹

啓

太康

仲康

帝相

少康

帝杼

帝槐

帝芒

帝泄

帝不降

帝扃

帝厘

帝孔甲

帝皐

帝發

桀

卷之三

商紀

湯

外丙

仲壬

太甲

沃丁

太庚

小甲

雍巳

太戊

仲丁

外壬

河亶甲

祖乙

祖辛

沃甲

祖丁

南庚

陽甲

盤庚

小辛

小乙

武丁

祖庚

祖甲

廩辛

庚丁

武乙

太丁

帝乙

紂

卷之四

周紀

文武

成王

康王

昭王

穆王

共王

懿王

孝王

夷王

厲王

共和

宣王

幽王

平王

桓王

莊王

釐王

惠王

襄王

頃王

匡王

定王

簡王

靈王

景王

敬王

元王

貞定王

考王

少微通鑑外紀目錄

少微通鑑外紀卷之二



太昊伏羲氏

母居于華胥之渚履巨

人跡意有所動虹且遶之因而

始娠生帝于成紀以木德繼天

而王故風姓有聖德象日月之

明故曰太昊○人生之始也與

禽獸無異知有母而不知其父

帝生有
聖德

知有愛而不知其禮。卧則喏喏。起則吁吁。饑則求食。飽則棄餘。茹毛飲血。而衣皮革。太昊始作網罟。以佃音田獵也。以漁。以贍民用。故曰伏犧氏養六畜馬牛羊豕雞犬。以充庖厨。且以為犧牲享神祇。故

又曰庖犧氏

帝太昊伏犧氏。成紀人也。以木德繼天

而王

去聲。○家語古之王者。易代改號。承法五行。更旺相生。先起於木。太

昊首以木德王天下。索隱木德春令。故易稱帝出乎震。月令孟春其帝太昊是也。

都宛丘

今陳州太

帝德合上下。天應

河出圖
洛出書

以鳥獸文章。地應以河圖洛書。於是仰

觀象于天。俯觀法于地。中觀萬物於人。

始畫八卦

始畫八卦。卦卦有三爻。因而重之。為卦六

十有四。以通神明之德。以類萬物之情。

造書契

造書契以代結繩之政。書制有六。一曰

象形。二曰假借。三曰指事。四曰會意。五

曰轉註。六曰諧聲。使天下義理必歸文

字。天下文字必歸六書。作甲歷。起於甲寅支於干

相配為十二辰六甲。而天道周矣。歲以是紀而年不亂。月以是紀而時不易。晝

夜以是紀而人知度。東西上古男女無

制嫁娶南北以是紀。而方不惑。別帝始制嫁娶。以儼皮為禮。儼音麗。伉儼之義。雙

也。正姓氏通媒妁。以重人倫之本。而民

始不瀆。又因龍馬負圖出于河之瑞。以

龍紀官。故為龍師。而龍名。命朱襄為飛龍氏。造書契。

吳英為潛龍氏。造甲歷。大庭為居龍氏。治屋廬。渾沌為降龍氏。驅民害。陰康為

土龍氏。治田里。栗陸為水龍氏。繁滋草木。疏導泉源。又命五官。春官為青龍氏。

又曰蒼龍。夏官為赤龍氏。秋官為黃龍氏。於龍氏。冬官為黑龍氏。中官為黃龍氏。

是共工為上相。柏皇為下相。朱襄吳英

常居左右。栗陸居北。赫胥居南。昆吾居

西。葛天居東。陰康居下。分理宇內而政

化大治。去聲帝作荒樂歌。扶徠詠。罔罟以

鎮天下之人。命曰立基。斲桐為琴。繩絲

為絃。絃二十有七。命之曰離徽。以通神

明之貺。以合天人之和。絙桑為三十六

絃之瑟。以脩身理性。反其天真。而樂音

制嫁娶

自是興焉。在位一百一十五年崩。

炎帝神農氏

少典之君。娶于有蟠氏之女。曰安登。生二子焉。長曰石年。育于姜水。故以姜為姓。以火德代伏羲氏治天下。故曰炎帝。其起本於烈山。又號烈山氏。亦曰連山氏。其初國伊。繼國耆。合而稱之。故又號曰伊耆氏。

初藝五

穀嘗百

草

炎帝神農氏。以火德。王都于陳。遷曲阜。

魯邑初藝五穀。嘗百草。古者民茹草木之

實。食禽獸之肉。而未知耕稼。炎帝因天

時。相地宜。斲木為耜。揉木為耒。始教民

藝五穀。而農事興焉。民有疾病。未知藥

石。炎帝始味草木之滋。察其寒溫平熱

之性。辯其君臣佐使之義。嘗一日而遇

七十毒神。而化之。遂作方書。以療民疾

而醫道立矣。復察水泉甘苦。令人知所

作方書

日中為市

有火瑞

避就。由是民居安食力而無夭札之患。天下宜之。故號神農氏。○炎帝之世。其俗樸重端慤。不忿爭而財足。無制令而民從。威厲而不殺。法省而不煩。始列廛于國。日中為市。致天下之民。聚天下之貨。交易而退。各得其所。出易下繫辭。此後世農商之所由起。而斯民生養之具畧備矣。有火瑞以火紀官。故為火師而火名。春官為鶉火。秋官為西火。冬官為北火。○炎帝之世。諸侯風沙

氏叛。不用帝命。其臣箕文諫而被殺。炎帝益脩厥德。風沙之民自攻其君而來歸。其地於是南至交趾。北至幽都。東至暘谷。西至三危。莫不從其化也。在位一百四十年。崩于長沙之茶鄉。

黃帝有熊氏

索隱曰。按有土德之瑞。土色黃。故稱黃帝。

姓公孫。諱軒轅。

索隱曰。都軒轅之丘。故以為軒轅名。

又以為有熊國君之子也。

徐廣曰。號有熊。

索隱曰。注號有熊者。以其本是有熊國君之子也。

生而

神靈長而聰明。是時神農氏為

天子皇甫謐曰。易稱庖犧氏沒。神農氏作諸侯相

侵伐。神農氏不能征。炎帝侵陵

諸侯。蚩尤最為彊暴。軒轅脩德

治兵。與炎帝戰而勝之。又禽殺

蚩尤於涿鹿。涿音卓於是諸侯咸

歸軒轅。遂推軒轅代神農氏為

天子。是為黃帝。出史記本傳

立制度。元年。黃帝既為天子。於是始立制度。天

下不順者從而征之。其土地東至于海。

西至于崆峒。南至于江。北逐薰鬻。史記

粥。匈奴傳曰。唐虞以上。有邑於涿鹿之

阿。今燕山界分遷徙無常。以師兵為營衛。史出

雲紀官。以雲紀官。史記云。官名皆以雲命。左傳昭公昔者黃帝氏

紀。雲紀文皆小異。應邵曰。黃帝受命有

雲瑞。故以雲紀事也。春官為青雲。夏官

為縉雲。秋官為白雲。冬有土德之瑞。史出

六相。記舉風后力牧。大山稽常先。大鴻得六相。而天地治。神明至。史記云。舉風后力牧常先。大鴻以治。

民。管子云。黃帝得蚩尤而明乎天道。得大常而察乎地利。得蒼龍而辯乎東方。得祝融而辯乎南方。得大封而辯乎西方。得后土而辯乎北方。黃帝得六相而

治天下。帝受河圖。見日月星辰之象。於是

始有星官之書。後天文志。軒轅始受河圖。闕苞授規日月星辰

之象。故星官之書。自黃帝始。命大撓反。奴教。探五行之

情。占斗綱所建。於是始作甲子。命容成

造曆。命隸首作算數。命伶倫造律呂。命

車區占星氣。容成兼而總之。皆諸臣之名也。出系

本及律曆志。見史曆書索隱註。為文章以表貴賤。文章衣服

作舟車

類之。作舟車以濟不通。出前地理志。畫壘分州

野壘音。得百里之國萬區。八家為井。井一

為隣。隣三為朋。朋三為里。里五為邑。邑

十為都。都十為師。師十為州。設左右大

監。監於萬國。出杜佑通典。舉封禪之禮。史記本紀

作樂

封禪與為多焉。作咸池之樂。前禮樂志。黃帝作咸池。備矣。

遠夷之國莫不入貢。黃帝二十五子得

姓者十四人。正妃二子。一曰玄囂。許遙反。

五高反。二曰昌意。皆為諸侯。黃帝崩。出史記本

紀注云。在位百一十年。壽二百人以為

僂去。子玄囂立。是為少昊金天氏

五帝紀

少昊

名摯。姓已。黃帝之子玄囂也。母曰嫫祖。感大星如虹。下臨華渚之祥而生帝。黃帝之世。降居江水。邑於窮桑。故號窮桑氏。國于青陽。因號青陽氏。以金德。王天

下遂號金天氏。能脩大昊之法。故曰少昊。都曲阜

元年。少昊之立也。鳳鳥適至。因以鳥紀

以鳥紀官

官鳳鳥氏歷正也。玄鳥氏司分者也。伯趙氏司至者也。青鳥氏司啓者也。丹鳥氏司閉者也。祝鳩氏司徒也。睢鳩氏司馬也。鴈鳩氏司空也。爽鳩氏司寇也。鷓鴣氏司事也。五鳩鳩民者也。五雉為九工正。利器用正度量。夷民者也。九扈為九農正。扈民無滯者也。帝之御世也。諸福之物畢

作大淵樂

至。爰書鸞鳳立建鼓。制浮磬。以通山川之風。作大淵之樂。以諧人神和上下。是

日九淵○少昊氏衰。九黎亂德。天下之人相懼以神。相惑以怪。家為巫史。民瀆于祀。灾禍荐至。出皇王大紀帝在位八十四年。崩。壽一百歲。葬于雲陽。故後世又曰雲陽氏。兄昌意之子高陽立。是為帝顓頊。

帝顓頊

號高陽。黃帝之孫。昌意之子。出史記

通靜淵疏

元年。土地東至于蟠木。

海外經曰。東海中有山焉。名曰蟠木。

度。索。上有大桃樹。蟠屈三千里。

西至于流沙。

地理志曰。流沙在張

掖居延縣。

南至于交趾。北至于幽陵。顓頊靜

淵以有謀。疏通而知事。動靜之物。小大

之神。莫不砥屬。

王肅曰。砥。平也。四遠皆平。而來服屬。

顓頊

崩。

注云。在位七十八年。壽九十六歲。箕甲子。是十九年。未知孰是。

玄囂

之孫高辛立。是為帝嚳。

音谷。並出史記本傳。

帝嚳

號高辛。玄囂之孫。黃帝之曾孫。

出史記

元年帝聰以知遠明以察微順天之義
 知民之急仁而威惠而信脩身而天下
 服取地之財而節用之撫教萬民而利
 誨之曆日月而迎送之明鬼神而敬事
 之其色郁郁其德巍巍史記索隱曰郁
疑德高也其動也時其服也士舉動應
疑鄂力反帝嚳既執中而徧天
 下日月所照風雨所至莫不服從帝嚳

執中

崩其子摯立

摯音至。注云。在位七十五

十年並出史記本紀

帝堯

外紀曰。摯立九年。以荒淫見

九年禪位于堯

嚳之子摯之弟也。摯立封堯為

唐侯。摯崩。堯立。

元年其仁如天

言如天之涵養也

其智如神

言如

仁如天智如神

神之微妙也

就之如日

言依就之日之若葵藿傾心

望之如雲

言大而浸潤生人人咸

日

仰之望之。故曰如百富而不驕。貴而不舒。

索隱曰。舒。晁名。其猶緩也。黃收純衣。索隱曰。收。晁名。其

古質素也。純。讀曰緇。形車白馬。茅茨不剪。出史記

○存心於天下。加志於窮民。一民饑曰

我饑之也。一民寒曰我寒之也。一民有

罪曰我陷之也。百姓戴之如日月。親之

如父母。仁昭而義立。德博而化廣。故不

賞而民勸。不罰而民治。出說苑○是時

十日並出。焦禾殺稼。又有大風。猳狢封

十日並出

豨。脩蛇皆為民害。許慎曰。猳狢。獸也。封

胡鬼反。猳音苦。兪乃使羿繳大風於青丘

之澤。許慎曰。大風。風伯也。能壞人屋舍。

一曰以繳係矢射殺。上射十日。下殺猳

狢。斷脩蛇於洞庭。禽封豨於桑林。萬民

欣悅。莫不向服。定天下道理。遠近廣狹

之名。出淮南子○是時洪水為災。堯問

群臣。舉能治水者。四嶽舉鯀。使之治水。

鯀為人。方命圯族。圯。蒲彼反。方。善堯試用

鯀治水

樂作大章

之果然功績弗成

參用堯典史記

○堯任樂名

曰大章

出前漢禮樂志樂記曰大章章之也

○堯之子名

丹朱不肖在位七十年堯求賢德可以

遜位群臣咸舉舜舜為人賢明堯亦聞

之於是以二女妻舜舜以德化率二女

皆執婦道堯以舜為賢遂使之攝位

出史記

○又二十八年堯崩在位九十八年壽

一百九十八歲

出史記注

舜避堯之子丹朱

於河南天下朝覲獄訟者不歸丹朱而

歸舜舜於是即天子之位

孟子萬章

帝舜

黃帝八代孫也黃帝生昌意昌

意生顓頊顓頊生窮蟬窮蟬生

康敬康敬生句芒句芒生嶠牛

嶠牛生瞽叟瞽叟生舜姓姚氏

舜母死繼母生象父母及象皆

下愚不移瞽叟惑於後妻并少

子嘗欲殺舜舜盡孝悌之道事

舜盡孝

通鑑外紀卷之一

父母待其弟每尤加恭順出史記及

新耕於歷山鄭玄曰在河東歷山之人

皆讓畔。漁于雷澤鄭玄曰雷夏兗州澤今屬

濟。雷澤之人皆讓居。陶于河濱

皇甫謐曰濟陰定陶西南陶丘亭是也河濱之器

不苦窳窳反。窳謂窳病也。窳游浦所居成

聚。二年成邑。三年成都。二十以

孝聞。三十堯之丹朱不肖求可

以代已位者。四嶽群臣皆舉舜。

堯乃召舜。舜至。堯將遜以位先

察試其才能出史記乃使之慎徽

五典。五典克從。納于百揆。百揆

時序。賓于四門。四門穆穆。納于

大麓堯於夫山之昭告于天烈風雷雨弗

迷陰陽和也是時高陽氏有才

子八人名見左傳天下謂之八愷賈逵

曰愷和也高辛氏有才子八人名見左傳

天下謂之八元賈逵曰元善也世濟其

八元八愷

美

索隱曰。齊成也。後代成前代也。

堯未及舉舜。

於是舉八愷使主后土。舉八元

使布五教於四方。堯於是使舜

攝位。又帝鴻氏有不才子號曰

渾沌

渾。胡衮反。沌。徒衮反。不開通貌。

少皞氏有

不才子號曰窮奇

其行窮其好奇顓頊

氏有不才子號曰檮杌

頊凶無

也。縉雲氏有不才子號曰饕餮

貌也。貪財曰饕。貪食曰餮。謂之四凶。堯未能去。

去四凶

朝覲謳歌歸舜

舜皆授之四裔。即共工驩兜三

苗鯀也

出左傳文公八年

舜以鯀治水

無成功。於是殛之于羽山。舉其

子禹使之治水

出史記禹紀

舜攝位

之後二十八年堯崩。舜避位於

河南。天下朝覲謳歌獄訟者不

歸堯之子。而歸舜。舜遂即天子

之位

元年。舜既即位。號有虞氏。使禹為司空。

薦禹於天

棄為后稷。契為司徒。皋陶為士。垂為共

工。益為朕虞。伯夷為秩宗。后夔為典樂。

龍作納言。是所謂九官也。出史記舜作樂

名曰九韶之樂。舜之子商均亦不肖。舜

於是薦禹於天。使之代已位。舜在位五

十年。南巡狩崩于蒼梧之野。出史記在位

五十年。壽一百一十歲。史記云。年六十

三十九年崩。禹避商均之位於陽城。天

壽止一百歲。下不歸商均而歸禹。禹遂即天子位。出孟

子萬章

太史公曰。學者多稱五帝尚矣。然尚

書獨載堯以來而百家言黃帝。其文

不雅馴。薦紳先生難言之。徐廣曰。薦紳。即縉紳。

也。古字假借耳。孔子所傳宰予問五帝德。及

帝繫姓。儒者或不傳。余嘗西至崆峒

北。過涿鹿。東漸于海。南浮江淮矣。至

長老皆各往往稱黃帝堯舜之處。風

教固殊焉。總之不離古文者。近是隱索

曰古文。即帝德。帝繫二。予觀春秋國書也。近是聖人之說。

語。其發明五帝德。帝繫。姓章矣。顧第

弗深考。其所表見。皆不虛書。其缺有

間矣。其軼乃時時見於他說。索隱曰。言古

殘缺。有年載。故曰有間。然帝皇遺事。散軼。乃時時旁見於它記。即帝德。帝

繫等說也。非好學深思。心知其意。固難為

淺見寡聞道也。余并論次。擇其言尤

雅者。故著為本紀書首。

怨曰。此書未進。故六經惟春秋及易

彖象文言說卦序卦雜卦。仲尼所作。

詩書。仲尼所刪定。皆不稱三皇五帝

三王。易下繫曰。古者包犧氏之王天

下也。包犧氏沒。神農氏作。神農氏沒。

黃帝堯舜氏作。繼世更王。而無三五

之數。或以包犧至舜為五帝。孔子未

嘗道。學者不可附會臆說也。管子稱

明一者皇。察道者帝。通德者王。謀得

兵勝者伯。孔穎達曰。管子書或是後

論三皇五帝

人所錄。非本書也。莊子列子皆寓言誕妄。秦漢學者宗其文辭論議。故競稱三皇五帝。而不知古無其人。仲尼未嘗道也。梁武帝以伏羲神農燧人為三皇。黃帝少皞帝嚳帝摯帝堯為五帝。舜非三王。亦非五帝。與三王為四代。其指不通。歷世紛紛。莫知定論也。

少微通鑑外紀卷之一

少微通鑑外紀卷之二

夏紀

大禹

黃帝之玄孫也。姓妣氏。黃帝生昌意。昌意生顓頊。顓頊生鯀。鯀生禹。堯時洪水滔天。鯀治水無功。殛死。舜既攝位。舉禹使續父業。禹為人克勤敏給。其德不違。其仁可親。其言可信。聲為律。

聲為律
身為度

曰言禹聲身為度王肅曰以禹

音應鍾律傷父鯀功不成而受誅乃勞身

焦思居外十三年過家之門不

入陸行乘車水行乘船泥行乘

橈橈丘喬反孟康云橈形如箕

山行乘橦橦謂以鐵六反又丘遙反

寸施之履左準繩右規矩索隱

右所舉動必應規矩也以開九

州通九道陂九澤度九山命益

予衆庶之稻可種卑濕命后稷

予衆庶難得之食食少調有餘

而均給諸侯禹乃行相地所有

以貢及山川之便利於是水害

皆息九州攸同四隩可居隩於

紀出夏禹使章亥步自東極至于

西垂二億二萬三千五百里七

十一步又使堅亥步自南極至

于北垂二億三千五百里七十

左準繩
右規矩

錫圭

五步。四海之內。東西二萬八十

里。南北二萬六千里。出虞未詳堯於

是錫禹以玄圭。告其成功。舜既

即位。乃使禹為司空。以宅百揆。

出尚書舜之子商均不肖。乃薦禹

於天。使代已位。舜崩于蒼梧。禹

避之於陽城。天下之人不歸商

均而歸禹。遂即天子之位。出孟子

元年。丁禹既即位。國號夏。仍有虞以建

寅月為歲首。色尚黑。牲用玄。以黑為徽

號。畧見前歷志。作樂曰大夏。夏大也。言

能大堯舜之德也。出樂記懸鍾鼓磬鐸鞀

鞀音桃以待四方之士。曰教寡人以道者

擊鼓。諭以義者擊鍾。告以事者振鐸。語

以憂者擊磬。有獄訟。搖鞀。許慎曰。鐸。鈴

石也。鞀。小於磬。鐸。一饋而十起。一沐三握髮。以

勞天下之民。出淮南子紀論○出見罪人。下車

問而泣之。左右曰。罪人不順道。君王何

作大夏

設鞀求

下車泣
罪人

為痛之。禹曰。堯舜之人。皆以堯舜之心

為心。寡人為君。百姓各自以其心為心。

是以痛之。出說苑○初舜分天下為十

二州。禹復為九州。出前地收天下美銅

鑄為九鼎。以象九州。左傳宣三年。昔夏

圖物貢金。九牧鑄鼎象物。百○昔黃帝

作車。少皞加牛。奚仲加馬。禹命奚仲為

車正。建旌旗旒旒。以別尊卑等級。畧見

○古有醴酪。醴音禮禹時儀狄作酒。禹

飲而甘之。遂疏儀狄。絕旨酒。曰。後世必

有以酒亡國者。出世○禹任臯陶。益。以

國政。○是時天雨金三日。雨去聲出○

禹娶塗山氏女。生子啓。辛壬癸甲。啓呱

呱而泣。禹弗子。惟荒度。待洛土功。○禹

南巡狩。會諸侯于塗山。承唐虞之盛。執

玉帛者萬國。出記王制禹濟江。黃龍負

舟。舟中人懼。禹仰天而嘆曰。吾受命於

天。竭力以勞萬民。生寄也。死歸也。余何

惡旨酒

戮防風

憂於龍馬。視龍猶蝦蟇。蝦蟇音偃。蝦蟇音挺。許慎曰。蝦蟇。蜴也。或曰守宮也。東方朔覆射對武帝。曰。謂為龍無有角。謂為蛇而有足。非守宮當為禹顏色不變。須臾龍俛首低尾而逝。出淮南子精神訓禹致群臣於會稽。致猶會也防風氏後至。禹戮之。出家語有典則以貽子孫。出書五子之歌○禹嘗薦益於天。七年禹崩。在位九年。壽一百歲。益避位於箕山。天下之人不歸益而歸啓。啓乃即天子之位。

帝啓禹之子

初禹嘗薦益於天。既得七年禹崩。益避啓於箕山。天下諸侯朝覲。及謳歌獄訟。不之益而之啓。曰。吾君之子也。啓乃即位。出孟子

征有扈

元年甲申啓既即位。乃即鈞臺以享諸侯。出左傳時有扈氏無道。威侮五行。怠棄三

正。啓召六卿以征之。大戰于甘。滅之。出書甘啓在位九年。不言壽年子太康立。

太康啓之子

元年癸巳太康即位。荒逸弗恤國事。畋獵

於洛水之表。十旬弗歸。有窮之君后羿

后羿距羿宜在反。只是名同。非堯時射日者也。因民之怨。距之於

河。弗許歸國。厥弟五人作歌以怨之。出

子之歌太康既失國。不得歸。在位三十年。

后羿乃立太康之弟仲康。史記云太康崩弟仲康立

仲康太康之弟

元年壬戌仲康即位。羿為之相。仲康肇位

命胤侯征義和

四海。首命胤侯掌六師。惟時義和沈亂

于酒。遐棄厥司。至於日食大變。尚罔聞

知。王命胤侯往征之。出書胤征。○按舊說云。后羿專權。義

和守義不服。故后羿假仲康之命以征之。謂出於東坡書解。此義非是。今正之。

于在位十四年崩。不言壽年子相立

帝相仲康之子

元年乙亥帝相既立。時權歸后羿。相為羿

所逐。居商丘。依同姓諸侯。斟灌斟鄩氏

○有窮后羿因夏民以代夏政。羿恃其

后羿逐帝相代夏政

善射。不脩民事。淫于原獸。謂好獵也。棄武羅

伯。囚熊髡龍圉。四子皆賢臣。而用寒浞。浞伯

明。后寒之讒子弟也。寒國名。伯明后寒棄浞于夷。羿收之。

使相聲已。浞行聲去媚于內。謂媚人。施賂于

外。愚弄其民。娛羿于畋。外內咸服。羿猶

不悛。七緣反。將歸自畋。家衆殺而烹之。

以食其子。子不忍食。殺于窮門。夏遺臣

靡奔有鬲氏。國名。浞自立。壬寅浞篡。是年少康生。浞終辛巳年共四。

寒浞因羿室生澆及豷。羿室。

寒浞弑帝相

之妻澆長。上聲。浞使澆滅斟灌斟鄩氏。弑

帝相。后緡方娠。逃出自竇。歸于有仍。后緡。

帝相也。帝相在位二十七年崩。詳見左傳。○索隱曰。

帝相既被亂篡弑。中間經羿浞二氏。蓋

三數十年。而此紀總不言之。直云帝相

崩。子少康立。疎略之甚。○今參攷左傳外紀以足之。

少康帝相之子其母帝相之后。有仍國君之女

也。寒浞殺羿滅夏氏。時少康方

在懷妊。相后乃奔歸有仍之國

寒浞殺羿自立

十已年共四

○寒浞因羿室生澆及豷

謂羿室

是年

終辛

巳年

共四

○寒浞

因羿室

生澆及豷

有田一成
有衆一旅

而生少康。少康既長。為仍牧正

牧官澆使椒求之。椒澆之臣奔有虞

商均所封之國為之庖正。虞君思妻去聲

以女為人妻也之二姚。而邑諸綸。虞之邑

有田一成。十里有衆一旅。五百人能

布其德。而兆其謀。以收夏衆。而

撫其官。夏有舊臣靡臣之名也自有

鬲氏。音隔收二國之燼。舉兵滅浞。

而立少康焉。二國之燼。謂灌鄩之遺民。詳見左傳。

元年壬午少康使其臣女艾滅澆于過。使

其子季杼滅豷于戈。過戈二國名乃歸故都

即位。於是夏道復興。諸侯來朝。出通曆在

位二十年崩。不言壽年子杼立

帝杼。少康之子

元年甲辰帝杼既嗣立。居位享國。凡十有

七年崩。不言壽年帝杼既崩。子槐立。是為帝

槐。索隱曰。槐音回。

帝槐。杼之子

滅澆豷

興夏道復

元年辛酉帝槐嗣立。享國居位凡二十有

六年而崩。不言壽年帝槐既崩。子芒立。是為

帝芒。索隱曰。芒音亡。鄒誕生又音荒。放反也。

帝芒槐之子

元年丁亥帝芒既嗣立。居位享國。凡十有

八年而崩。不言壽年帝芒既崩。子泄立。是為

帝泄

帝泄芒之子

元年乙巳帝泄既嗣立。是時六夷從服。始

加爵命之制。史記載此事帝泄在位凡十有

七年而崩。不言壽年子不降立。是為帝不降

帝不降泄之子

元年辛酉帝不降嗣立。居位享國。凡五十

有九年而崩。不言壽年帝不降既崩。弟扃立。

是為帝扃

帝扃不降之弟

元年庚申不降之弟帝扃嗣立。居位享國。

凡二十有一年崩。帝扃既崩。不言壽年子厘

立。是為帝厘。索隱曰。厘音近。鄒誕生又音勤。

帝厘 局之子

元年辛巳帝厘嗣立。在位享國凡二十年。

崩。帝厘既崩不言壽年子孔甲立。是為帝孔

甲

孔甲 厘之子

好鬼神

元年壬寅既即位。好鬼神之事。不務脩德。

諸侯多叛。時天降乘龍有雌雄。孔甲不

能食音似而未獲。豢龍氏豢音患。賈逵曰。豢養谷食曰豢。

陶唐氏既衰。其后有劉累。學擾龍于豢

龍氏。應邵曰。擾音柔。擾馴也。能順養得其嗜欲。事孔甲。能飲

食之。夏后嘉之。賜氏曰御龍。以更豕韋

之後。龍一雌死。潛醢以食夏后。醢音海。食音似。

夏后享之。既而使求之。累懼而遷于魯

縣。出史記在位三十二年崩。不言壽年子臯立

帝臯 孔甲之子

元年癸酉帝臯既立。享國在位凡十有一

年而崩。不言壽年帝臯既崩。子發立。是為帝

發出史記

帝發子皐之

元年甲申帝發既立。享國在位。凡十有三

年而崩。不言壽年帝發既崩。子履癸立。是為

帝履癸出史記

履癸發之子也。是為桀

元年癸卯自孔甲以來。諸侯多叛。桀尤為

無道。暴戾頑狠。貪虐荒淫。殘傷百姓。天

下顛怨戰顛音而患之。桀有力。能伸鐵鈎

肉山酒池

索。伐有施氏。有施人以妹喜女焉。喜有

寵。所言皆從。為傾宮瑤臺。殫百姓之財。

肉山脯林。酒池可以運船。糟隄可以望

十里。一鼓而牛飲者三千人。妹喜笑以

為樂。殷湯脩德。諸侯畏服。桀起九夷之

師不至。伊尹佐湯帥師以伐桀。桀戰不

勝。奔於三朥之國。湯又從而伐之。放於

南巢而死。已上並出史記及新序

右夏十七王。按經世書禹起丁

已。止桀甲午。該四百七十八年。太史公曰。禹為姒姓。其後分封。用國為姓。故有夏后氏。有扈氏。有男氏。斟。尋氏。彤城氏。褒氏。費氏。杞氏。繒氏。辛氏。冥氏。斟氏。戈氏。孔子正夏時。學者多傳夏小正云。自虞夏時。貢賦備矣。或言禹會諸侯江南。計功而崩。因葬焉。命曰會稽。會稽者。會計也。會稽山在浙江之東少微通鑑外紀卷之二

少微通鑑外紀卷之三

商紀

成湯

黃帝之後也。姓子氏。初帝嚳次妃簡狄。見玄鳥墮卵而吞之。遂

生契。

契音薛。索隱曰。譙周云。契生堯。代舜始舉之。必非嚳

子。以其父微。故不著名。其母娥氏。女。與宗婦三人浴于川。玄鳥

遺卵。簡狄吞之。則簡契事唐虞。狄非帝嚳次妃。明矣。

為司徒。教民有功。封於商。賜姓

子氏契生昭明。昭明生相土。相土生昌若。昌若生曹圉。曹圉生冥。冥生振。振生微。微生報丁。報丁生報乙。報乙生報丙。報丙生主壬。主壬生主癸。主癸生天乙。是為成湯。是時伊尹耕于有莘之野。湯使人以幣聘之。因說湯以伐夏救民之事。出孟子湯進伊尹于桀。桀不能用。伊尹復歸湯。

聘伊尹

桀殺直臣龍逢。衆庶莫敢直言。湯使人哭之。桀怒。囚湯于夏臺。已而得釋。桀將亡。賢臣費昌歸湯。湯出。見人張網四面而祝之。曰。從天墜者。從地出者。從四方來者。皆懼吾網。湯解其三面。止置一面。更祝曰。欲左者左。欲右者右。欲高者高。欲下者下。不用命者。乃入吾網。漢南諸侯聞之。

去三面網

放桀于南巢

曰。湯德及禽獸。歸之者四十餘國。出新序桀無道。暴戾殘虐萬姓。伊尹相湯伐桀。費昌為御。與桀戰于鳴條。桀師敗績。湯遂放桀于南巢。諸侯大會。湯退而就諸侯之位。曰。天子惟有道者可以處之。可以治之。三讓諸侯皆推湯。於是即天子之位。都于亳。元年乙未湯既即位。反桀之事。以寬治民。

改正朔

七年大旱

除其邪虐。順民所喜。遠近歸之。乃改正朔。自夏之前。皆是建寅之月。為正月。湯既革夏命。乃以建丑之月。為正月。又云。月冬至為元首。周從之。未知所據。色尚白。牲用白。以白為徽號。服皐冠而縞衣。以上出書。及記明堂位。淮南齊本。紀史。○初置二相。以伊尹仲虺為之。出通典○大旱七年。太史占之。曰。當以人禱。湯曰。吾所為請雨者。民也。若以人禱。吾請自當。遂齋戒。剪髮斷爪。素車白馬。

六事自責

作大濩樂

身嬰白茅。以身為犧。禱于桑林之野。祝曰。無以余一人之不敏。傷民之命。以六事自責。曰。政不節歟。民失職歟。宮室崇歟。女謁盛歟。苞苴行歟。讒夫昌歟。言未已。大雨方數千里。出通曆及荀太畧篇。文不全。又以莊山之金鑄幣。救民之命。出管子。作樂曰大濩。出樂記及前禮樂記。○初作囿。取禽獸以奉宗廟。○在位十三年崩。壽一百歲。太子太丁早卒。湯崩。次子外丙二年。仲壬四年。

年。太丁之子太甲立。

太甲湯之嫡孫。

顛覆典刑

元年戊申既即位。不明厥德。顛覆湯之典

刑。伊尹放之於桐宮。湯墓所。乃自攝政當

自然自艾

國。以朝諸侯。太甲居桐三年。自然自艾。

處仁遷義。伊尹乃以冕服奉太甲。復歸

于亳。以上出書太甲及孟子。太甲增加修德。諸侯

咸歸。保惠庶民。不敢侮鰥寡。號為太宗。

在位三十三年崩。不言壽年。子沃丁立。

沃丁太甲之子

元年辛巳沃丁嗣位。委任賢臣咎單。咎單

一順伊尹所行之事。在位二十九年而

崩不言壽年弟太庚立

太庚沃丁之弟

元年庚戌太庚嗣立。在位享國。凡二十有

五年而崩不言壽年太庚既崩。子小甲立。是

為小甲

小甲太庚之子

元年乙亥小甲嗣立。享國在位。凡三十有

六年而崩不言壽年小甲既崩。弟雍已立

雍已小甲之弟

元年壬辰雍已嗣立。商道寢衰。諸侯或不

至。在位享國。凡十有四年而崩不言壽年弟

太戊立

太戊雍已之弟

元年甲辰亳有祥桑穀。共生于朝。七日大

拱孔安國曰。祥。妖恠也。二木合生。不恭之罰。鄭玄曰。兩手搯之。曰拱。此句不出

商道寢衰

尚書及太傳。史記作一莫。太戊問於伊

陟。伊陟曰。妖不勝德。君之政其有關歟。

太戊於是修先王之政。明養老之禮。

修德桑枯死

說苑並無早朝晏退。問疾弔喪三日而

祥桑枯死。出說苑參三年遠方重譯而

至者七十六國。有賢臣巫咸臣扈等。共

商道復興

輔佐之。商道復興。號稱中宗。在位七十

五年崩。不言壽年子仲丁立

仲丁太戊之子

元年未巳仲丁既立。是時亳都有河決之

遷都于囂

害。乃自遷都于囂。藍夷為寇。仲丁征之。

在位十有二年而崩。不言壽年弟外壬立

外壬仲丁之弟

元年申壬外壬嗣立。享國在位。凡五年而

崩。不言壽年外壬既崩。弟河亶甲立

河亶甲外壬之弟

元年亥丁河亶甲立。是時颶都有河決之

遷都于相

害。遂自颶遷都于相。在位凡十年而崩

不言子祖乙立

祖乙河子

遷都于耿

元年丙申祖乙既立。是時相都又有河決之害。乃自相而遷都于耿。在位凡二十年而崩。不言子祖辛立。

祖辛乙子

元年乙卯祖辛嗣立。享國在位。凡十有六年而崩。不言祖辛既崩。弟沃甲嗣位。

沃甲辛弟

元年辛未沃甲嗣立。享國在位。凡二十年

而崩。不言沃甲既崩。祖辛之子祖丁立。

祖丁辛子

元年丙申祖丁嗣立。在位享國。凡三十有二年而崩。不言祖丁既崩。沃甲之子南

庚立。

南庚沃子

元年戊辰南庚嗣立。居位享國。凡二十有九年而崩。不言南庚既崩。其弟陽甲嗣

立

陽甲南庚之弟

元年癸巳自仲丁以來子弟爭立。九世亂。諸侯莫朝。陽甲在位八年而崩。不言壽年弟

盤庚立

盤庚陽甲之弟

元年庚子盤庚嗣立。時商道寢衰。耿都又有河決之害。乃自耿遷都于亳。臣民皆安土重遷。盤庚作書以告諭臣民。遂遷

遷都于亳

于亳。從湯所都。盤庚行湯之政。商道復興。諸侯來朝。在位二十九年而崩。弟小辛立。

小辛盤庚之弟

元年戊辰小辛嗣立。殷道又衰。小辛在位。凡二十有二年而崩。不言壽年小辛崩。其弟

小乙立

小乙小辛之弟

元年巳丑小乙自為太子時。備知民事艱

難時又不競。享國在位二十八年而崩。
不言壽年小乙崩。子武丁立。

武丁小子乙

夢帝賚以良弼

雉鳴于

元年丁武丁嗣立。恭默思道。小乙崩。武丁居喪三年不言。既免喪亦不言。夢上帝賚以良弼。乃使人以形旁求於天下。得傳說於版築之間。命以為相。進諫論列天下之事。君臣道合。政事脩舉。
○武丁祭成湯。有飛雉升鼎耳而雊。

伐鬼方

已。以思王道三年。蠻夷編髮重譯來朝者六國。自是章服多用翟羽。
三年克之。
號為高宗。在位五十九年而崩。
祖庚立。

祖庚高宗之子

元年丙辰祖庚嗣立。在位享國凡十有七。

年而崩不言祖庚既崩其弟祖甲立

祖甲祖庚之弟

元年癸亥祖甲嗣立為人淫亂殷衰在位

享國凡十有七年而崩不言子廩辛立

廩辛祖甲之子

元年丙申廩辛嗣立。在位享國凡六年而

崩不言廩辛既崩弟庚丁立

庚丁祖甲之子

元年壬寅庚丁嗣立。在位享國凡二十三

年而崩不言庚丁既崩子武乙立

武乙庚丁之子

元年癸亥時東夷寢盛分遷海岱武乙無

道為偶人謂之天神與博不勝而戮之

為革囊盛血仰射之謂射天在位五年

獵於河渭之間暴雷震死子太丁立

太丁武乙之子

元年丁卯時周公季伐戎羗克之太丁命

公季為牧師即周王季也太丁在位十四年

命公季為牧師

而崩不言子帝乙立

帝乙太子丁之子

元年庚午時商益衰。帝乙有三子。長子曰

微子啓。次日中衍。季曰受辛。受辛即紂

也。紂之母為后賢。紂尚少。帝乙及后欲

立啓為太子。太史據法爭之曰。有妻之

子不可立。妾之子。乃立紂。在位四十七

年崩不言子紂立已上並出史記

紂帝乙之子也。是為紂。蓋法殘義損善曰紂。

元年丁未紂資辯捷疾。聞見甚敏。材力過

人。手格禽獸。智足以拒諫。言足以飾非。

以為天下皆出已之下。○始為象箸象牙

為箸。箸與筯同。箕子歎曰。彼為象箸。必不盛以

土簋。將作犀玉之杯。玉杯象箸。必不羹

菽藿。衣短褐。而舍於茅茨之下。則錦衣

九重。高臺廣室。稱此以求。天下不足矣。

遠方珍恠之物。輿馬宮室之漸。自此而

始。故吾畏其卒也。是時有蘇氏以妲己

拒諫飾非

象箸玉杯

女焉

婁切

婁切。婁已。有寵。其言是從。所好者

貴之。所憎者誅之。○使師延史作作朝

歌北鄙之音。北里之舞。靡靡之樂。○造

鹿臺為瓊室玉門。其大三里。高千尺。七

年乃成。厚賦稅以實鹿臺之財。盈鉅橋

之粟。燎焚天下之財。罷苦萬民之力。淮出

南收狗馬奇物。充物充滿也官室。以人食

獸。廣沙丘苑臺。以酒為池。懸肉為林。男

女裸相逐於其間。宮中九市。為長夜之

飲。百姓怨望。○諸侯有叛者。婁已以為

罰。輕誅薄威。不立。於是重為刑辟。為熨

斗。以火燒然。使人舉之手爛。更為銅柱。

以膏塗之。加於炭火之上。使有罪緣之。

紂與婁已以為大樂。名曰炮烙之刑。○

紂以周侯昌文王也及九侯鄂侯為三公。

九侯進女於紂。女不喜淫。紂殺之。而醢

九侯。鄂侯爭之。併殺鄂侯。昌聞之。歎息

紂乃囚昌於羑里。昌之臣散宜生之徒。

林酒池肉

刑炮烙之

求有莘氏之美女及玼寶進上大悅乃
釋昌罪更賜昌得專征伐為侯伯昌退
而脩德諸侯多叛紂而歸昌昌卒其子
發舉兵伐紂紂與戰不勝乃衣寶玉自
焚而死在位三十四年

並出
史記

右商二十八君按經世書自湯
乙未止紂戊寅該六百四十四

年

太史公曰余以頌次契之事自成湯

以來采於書詩契為子姓其後分封
以國為姓有般氏來氏宋氏空峒氏
稚氏北般氏目夷氏孔子曰般路車
為善而色尚白

少微通鑑外紀卷之三

少微通鑑外紀卷之四

周紀

文王武王

文王名昌。武王名發。文王之子。

其先祖后稷名棄。其母有邠氏。

女曰姜原

韓詩章句曰。姜姓。原字。或曰。姜原謚號。

姜原為帝嚳元妃。出野見巨人

跡。心忻然說而踐之。踐之而身

動如孕者。居期而生子。以為不

祥。棄之隘巷。

索隱曰。已下皆詰大雅生民篇所云。

履巨人跡生棄

馬牛過者皆辟不踐。徙置之林中。適會山林多人遷之。又棄之渠中。冰上飛鳥以翼覆之。姜原以為神。遂收養長之。初欲棄之。因名曰棄。棄為兒時。屹如巨人。之志。其遊戲好種樹。猶植也。麻菽。及為成人。遂好畊農。相地之宜。宜穀者稼穡焉。民皆則之。帝堯聞之。舉為農師。天下得其利。有

功。封於邰。邰音台。索隱曰。即詩生民曰。有邰家室是也。

號曰后稷。別姓姬氏。后稷卒。子

不窋立。窋都律反。不窋卒。子鞠立。鞠

卒。子公劉立。○公劉雖在戎狄

之間。復脩后稷之業。百姓懷之。

多徙而保焉。周道之興。實自此

始。公劉卒。子慶節立。國於豳。徐廣

曰。新平漆縣之東北有豳亭。慶節卒。子皇僕

立。皇僕卒。子差弗立。差弗卒。子

毀隄隄音立。毀隄卒。子公非立。

公非卒。子高圍立。高圍卒。子亞

圍立。亞圍卒。子公叔祖立。公叔

祖卒。子古公亶父立。古公亶父

復脩后稷公劉之業。積德行義。

國人皆戴之。薰鬻戎狄攻之。古

公遂去豳。渡漆沮。徐廣曰。水在杜陽縣岐山。

杜陽縣正踰梁山。止於岐山之

下。徐廣曰。山在扶風美陽西北。其南有周原皇甫謐曰。邑於

周地。故始幽人舉國扶老携弱。

盡歸古公於岐下。及他旁國聞

古公賢。亦多歸之。古公有長子

曰太伯。次日。虞仲。其妃太姜。生

少子季歷。季歷娶太任。皆賢婦

人。太任生子昌。有聖瑞。太伯。虞

仲。知古公欲立季歷。以傳昌。二

人乃亡。如荊蠻。文身斷髮。應劭曰。常

在水。中故斷其髮。文其身。以讓

公劉脩后稷之業
古公積德

太伯虞仲

通鑑外紀卷之四

季歷古公卒。季歷立。是為王季。
脩古公遺道。篤於仁義。諸侯順
之。王季卒。子昌立。是為西伯。即
文王也。

文王立

文王既立。伯夷。叔齊。孤竹君之子也。讓
國不仕。聞西伯善養老。盍往歸之。太顛。
閔夭。散宜生。鬻鬻子。辛甲之徒。皆往歸之。
○呂望已年八十餘。釣于渭水。西伯出
獵。載之以歸。尊為太公。出齊世家崇侯虎譖

西伯於殷紂。紂乃囚西伯於羑里。閔夭
之徒患之。乃求有莘氏美女。驪戎之文
馬。有熊之九駟。及奇恠之物。因殷嬖臣
費仲而獻之。紂大說。曰。此一物足以釋

西伯

索隱曰。一物。謂有莘氏之美女也。

况其多乎。乃赦

西伯。錫之弓矢斧鉞。使西伯得征伐。西
伯陰行善。諸侯皆來決平。○於是虞芮
之人。有獄不能決。乃如周。入界。畊者皆
讓畔。民俗皆讓長。虞芮之人。未見西伯。

虞芮來賓

武王立

皆慙。相謂曰。吾所爭。周人所耻。何往為。祇取辱耳。遂還。俱讓其田而不取。漢南諸侯歸者四十國。諸侯以西伯為受命之君。以是年為受命之年。受命凡九年。壽九十七。西伯崩。太子發立。是為武王。○武王既立。以太公望為師。周公旦為輔。旦。武王之弟也。召公奭。畢公高。皆姬姓也。之徒。皆左右武王。參用世家文。率脩文王緒業。時商紂無道。九年。即文王崩之年。武王東觀

白魚入舟

音貫兵至于盟津。盟音孟渡河中流。白魚躍

入王舟中。

馬融曰。魚者介鱗之物。兵象也。白者殷家正色。言殷之兵

象與周之象白也。

武王俯取以祭。既渡。有火自

上復于下。至于王屋。流為烏。其色赤。其

聲魄。

馬融曰。王屋。王所居屋。流行也。魄然安定意也。鄭玄曰。書說云。烏有

孝名武王卒著大業。故烏瑞臻。赤周之正色也。是時諸侯不期

而會盟津者八百。諸侯皆曰。紂可伐矣。

武王曰。女未知天命未可也。乃還師而

歸。居二年。聞紂暴虐滋甚。殺王子比干。

囚箕子。紂兄微子乃抱其樂器而奔

音奔

周。於是徧告諸侯曰。殷有罪重。不可以

不伐。乃東伐紂。○十一年十二月戊午。

師畢渡盟津。諸侯咸會。陳師牧野。帝紂

聞武王來。亦發兵七十萬人拒武王。武

王使師尚父與百夫致師。周禮環人掌致師。鄭玄曰。

致其必戰之志也。古者將戰先使勇力之士犯敵焉。以大卒馳帝

紂師。紂師雖衆。皆無戰心。武王亟入紂

師。皆倒兵不戰。以開武王。武王馳之。紂

兵皆崩畔。紂走。反入登鹿臺之上。衣其

珠玉。自燔于火而死。武王斬紂頭。懸

太白之旗。於是諸侯尊武王為天子。○

初武王伐紂。伯夷叔齊叩馬諫曰。父死

不葬。爰及干戈。可謂孝乎。以臣弑君。可

謂仁乎。左右欲殺之。太公曰。義人也。扶

而去之。及武王定天下。天下宗周。伯夷

於齊耻之。不食周粟。餓死于首陽山。

怨曰。易稱湯武革命。應乎天而順乎

夷齊諫

人。孔子曰。伯夷叔齊。求仁而得仁。又誰怨。二者意殊志戾。蓋言湯武所以懼後世之為人君者。稱夷齊。所以戒後人之為人臣者。道悖而同歸。雖萬世無弊焉。

元年

卯巳

武王為殷初定未集。乃使其弟

管叔鮮。蔡叔度。相紂之子武庚治殷。已而命召公釋箕子之囚。命畢公釋百姓之囚。表商容之間。命南宮括散鹿臺之

封聖賢
後

財。發鉅橋之粟。以振貧弱。毗隸。命南宮括史佚。展九鼎寶玉。命閔天封比干之墓。命宗祝饗祠于軍。乃罷兵西歸。武王追思元聖。乃褒封神農之後於焦。黃帝之後于祝。帝堯之後於薊。音計帝舜之後於陳。大禹之後於杞。於是封功臣謀士。而師尚父為首。封於營丘。曰齊。封周公於曲阜。曰魯。召公奭於北燕。出史本紀不云北燕畢公高於畢。出魏家弟叔鮮於管。叔度於

封同姓

蔡叔振鐸於曹。叔武於邠。叔處於霍。康

叔封康叔名也聃季載皆少未封出管蔡世家兼

制天下。立七十一國。封兄弟之國十五

人。姬姓之國四十人。周之子孫不狂惑

者皆為諸侯。左昭公。武王克商。光有天

人。姬姓之國四十人。武王既勝殷。乃改正朔。以建

子月為正月。色尚青。服以冕。禮略見前王

虛已問箕子殷所以亡。曰。吾殺紂。是與。

非與。音余箕子不忍言殷惡。而王亦醜之。

乃問以天道。作洪範。封箕子於朝鮮。而

不臣也。餘各以次受封。出本紀班賜宗彞。

分殷之器物於諸侯。出史記。又書武王既勝殷。邦諸侯。班

宗彞作分器惟周公留周佐王。出魯世家王謂周

公曰。自洛汭延于伊之汭。居易無固。其

有夏之居。索隱曰。言自洛汭及伊汭。其地平易無險固。是有夏之汭。

居我南望三塗。北望嶽鄙。索隱曰。鄙。都鄙。謂近嶽之

邑。顧瞻有河。粵瞻伊洛。毋遠天室。將營

周居於洛邑。縱馬於華山之陽。放牛於

牛歸馬放

通鑑小紀卷之四

肅慎氏
貢矢

桃林之野。偃干戈。振兵釋旅。擊鼓旗甲。兵藏之府庫。示天下不復用。通道於九夷八蠻。各以其方賄來貢。使無忘職業。肅慎氏貢楛矢。楛音石。弩其長尺有咫。王欲昭其令德之致遠。以示後人。使永監焉。故銘其楛曰。肅慎氏之貢矢。並出國魯語。分同姓以珠玉。展親也。分異姓以遠方之職貢。使無忘厥服也。書旅。王乃昭德之致于異姓之邦。無替厥服。分寶于伯叔之國。時庸展親。○二年。王有

周公作
金滕

疾。周公為壇。告太王。王季。文王。請代武王之死。周公乃以卜書藏於金滕櫃中。王疾瘳。出書金滕。武王遷都于鄩。而文王之廟乃在豐。武王樂曰大武。出記樂記。武王崩。壽年九十三。太子誦立。

作大武
樂

成王
名誦武王子

在位三十七年

周公冢
宰

元年。丙戌。周公居冢宰。以王年幼。恐天下叛。乃攝政。代王當國。南面負扆。以朝諸

二叔流言

侯。成王將冠。周公命史雍頌曰。近於民

遠於佞。近於義。蓄於時。任賢使能。朝於

祖。以見諸侯。管叔。蔡叔。霍叔。皆文子流言

曰。公將不利於孺子。奄君。奄音掩。武庚之黨謂

武庚請舉事。武庚從之。與管叔。蔡叔等

同反。出記明堂位。及史周紀周公乃作

大誥。奉王命以討之。曰。天降威。知我國

有疵。有疵。謂管叔。蔡叔。以王室之病○二年。周

公居東。討武庚。管叔誅之。放蔡叔於郭

隣。降霍叔為庶人。遂定奄及淮夷。東土

以寧。出書蔡仲之命方流言之初。成王亦疑周

公。及開金縢。見請代武王之事。乃感泣

迎周公歸。既誅武庚。乃封微子以代殷

後。國號宋。用殷之禮樂。於周為客而不

臣。謂待以賓客之禮。出書金縢。及史宋世家○五年。王與其

弟叔虞。削桐葉為珪。戲曰。吾以此封若

史佚。請擇日。王曰。吾與之戲爾。史佚曰。

天子無戲言。言則史書之。禮成之。樂歌

剪桐戲封

之。遂封於虞於堯之故墟。曰唐侯。唐其後為

晉春秋之世晉始大嘗主諸侯盟。出史晉世家 ○六年周公朝

周公制禮作樂

諸侯於明堂。制禮作樂。頒度量。而天下

大服。樂曰勺。言能勺先祖之道也。又作

樂曰武。以象武王伐紂之武功。出記樂記明堂

位及 ○交趾南有越裳氏。重譯譯音而

獻曰。道路悠遠。山川阻深。恐一使不通。

故重三譯而來朝。周公曰。德澤不加。君

子不饗其質。政令不施。君子不臣其人。

譯曰。吾受命吾國之黃者曰。天之無烈

風。淫雨。海不揚波。三年矣。意者中國有

聖人乎。盍往朝之。周公歸之於王。稱先

王靈神。致薦于宮廟。使者迷其歸路。周

公錫以駟車五乘。皆為向南之制。越裳

使者載之。由扶南林邑海際。暮年而至

指南車

其國。故指南車常為先導。示有以服遠

人而正四方。出後漢南蠻傳。漢地理有交趾郡。本國南越之地。武帝元鼎六年。置越裳之國。又在其南。通兩番之語者曰。譯。重三譯者。謂過三國。

通鑑卷一百一十四

也七年。初武王作邑於鎬京。謂之宗周。是為西都。將營成周。居於洛邑而未果。至是成王欲如武王之志。定鼎于郊。鄩卜曰。傳世三十。歷年七百。其後傳世三十七。歷年八百有餘。故曰周過其歷。出史周紀及左宣公。

（恕曰）後世謂左氏在周末亡之前。逆知享國之年。時之興廢。專歸於術。捨棄德政。不亦野哉。汲冢紀西周二百五十七年。通東周。適合七百之數。而三統曆西周三百五十二年。并東周八百餘年。乃曰周過其歷。是前後錯繆。不可強通者也。

周公營洛

是年二月。使召公先相宅。三月。周公至洛。興工營築。謂之王城。是為東都。方千七百二十丈。郭方十七里。南繫于洛水。北因于邙山。以為天下之所湊。制為郊甸。方六百里。因西土為千里。分為百縣。縣為四都。都有鄙。外紀所載如此。周禮小司徒九夫為井。四

周公歸政

立九府圜法

井為邑。四邑為丘。四丘為縣。曰：此天下之中。四方入貢。道里均也。周公又營成

周。成王居洛邑。洛邑成周各為城邑遷殷頑民於

成周。復還歸西都。成王長能聽政。十二

月。周公歸政於成王。成王臨朝。周公北

面就臣位。○初虞夏商之世。幣金有三

品。或黃。或白。或赤。或錢。或布。或刀。或龜

貝。至是太公望乃立九府圜法。李奇曰

也。圜一。寸而重九兩。師古曰。此說非也。周官太府玉府內府外府泉府天府。職

內職金。職幣。皆掌財幣之官。故云九府。圜謂均而通也。錢圜函方。

輕重以銖。布帛廣二尺。二寸為幅。長四

丈為匹。故貨寶於金。利於刀。流於泉。布

於布。束於帛。出前食貨志周公留輔成王。召

公奭。不說。周公作書告之。以明本意。王

嘗問於史佚曰。何德而民親其上。對曰。

使之以時。而敬順之。忠而愛之。布令信

而不食言。如臨深淵。如履薄冰。王曰。懼

哉。對曰。天地之間。四海之內。善之則臣。

召公不說

不善則讎也。夏殷之民，讎桀紂而臣湯武。若之何其不懼也。在位三十七年崩。

不言壽年。據即位年。則壽五十。太子釗立。

康王 名釗。成王之子。

諸侯來朝

元年 癸亥 初王即位。諸侯來朝。王作康誥。

以告之。由是諸侯率服。十二年命畢公。

保釐成周 出書康誥。畢命初召公治西方。甚得

民和。有司請召民。召公曰：不勞一身而

勞百姓。非吾先君文王之志也。乃巡行

鄉邑。聽斷於隴陌阡畝之間。廬於棠樹

之下。以蠶桑耕種之時。乃弛獄出居民。

使得反業。自侯伯至庶人。無失職者。及

召公卒。人思其政。懷棠樹不忍伐 忍史

作甘棠之詩歌詠之 出史燕世家。此蓋

編之於此。故王朝諸侯於豐宮 左昭公

康有豐宮之朝成康之際。天下太平 史記作刑

措四十餘年不用。在位二十六年崩 不

壽子瑕立

刑措不用

昭王名瑕。康王之子。

元年已丑周道漸衰。月有光五色。貫紫微。

井水溢。王巡狩返濟漢。漢濱人以膠膠

船。王至中流膠液。王及祭公皆溺死。左見

傳僖在位五十一年崩。不言壽年子滿立。

穆王名滿。昭王之子。

元年庚辰王立之後。徐夷作亂。率九夷以

伐宗周。西至河上。穆王畏其偏。分命東

方諸侯。徐子王之。徐子嬴姓。地方五百

里。行仁義。得朱弓矢。自以為天瑞。乃稱

偃王。陸地而朝者三十六國。王正西巡

狩。樂而忘反。聞徐子僭號。乃命造父為

御而歸。以救偃王之亂。命楚伐徐。徐子

愛民無權。不忍鬪。乃北走彭城。百姓隨

之以萬數。徐子將死曰。吾賴於文德。而

不明武備。故至此。以上出說苑。穆王乃

以趙城封造父。其族由此為趙氏。即戰國趙

史趙祖也。出世家。穆王將征犬戎。祭公謀父昭章

偃王僭號

徐夷作亂

作祥刑
之書

曰祭。畿內之國。周公之諫不聽。王征之。後。為王卿士。謀父字也。得四白狼。四白鹿。以歸。自是荒服者不

至。出國語王又命呂侯作祥刑之書。作

刑以告四方。在位五十年崩。子繁扈立。

共王。名繁。扈。穆。王之子。

元年。乙亥游於涇。密康公從。韋昭曰。康公密國之君。姬

姓有三女奔密康公。公受之而不獻于

王。王滅密。在位十年崩。壽年八十四。子

囂立。

懿王。名囂。共王之子。

元年。丁亥是時王室既衰。詩人作刺。今詩無

王之詩。史記所載。蓋逸詩也。出史本紀。既。史作遂。在位二十五

年崩。壽年五十。弟辟方立。

孝王。名辟方。懿王之弟。

元年。壬子自懿王以來。德政不修。詩人作

詩譏刺。至是王室愈微。七年。大電牛馬

死。江漢俱凍。有非子者善養馬。王封為

附庸之君。邑於秦。即秦皇之祖也。出秦始記。在位十

五年崩。壽六十五。子燮立。

夷王名燮。孝王之子。

元年丁卯。覲禮不明。王始下堂而見諸侯。

荒服不朝。命虢公帥六師伐大原之戎。

至于俞泉。獲馬千匹。出史記在位十六年。

崩。年六十。子胡立。

厲王名胡。夷王之子。

元年癸未。王為人暴虐無道。淮夷入寇。王

命虢仲征之。不克。王好任榮夷公。大夫

榮夷公好利

芮良夫諫曰。夫利百物之所生也。天地

之所載也。而或專之。其害多矣。匹夫專

利。猶謂之盜。王而行之。其歸鮮矣。榮公

若用。周必敗。既榮公為卿士。諸侯不享。

出國語○詩之變雅始作○王行侈傲。

國人謗王。召公告曰告史作諫民不堪命矣。

王怒。得衛巫使監謗者。以告則殺之。國

人莫敢言。道路以目。韋昭曰。以目相盼而已。王喜。

告召公曰。吾能弭謗矣。召公曰。是障之

監謗

也夫民慮之於心而宣之於口。成而行之。胡可壅也。出國語今王塞下之口而遂上之過。恐為社稷憂。王不聽。於是國莫敢出言。王心戾虐。萬民弗忍。後三年乃相與畔襲王。王出奔於彘。王在彘不敢歸。二相周公召公。不是周公旦。召公奭。相周室者。亦號周公。召以太子靜尚幼。乃相與和協。共理國事。故稱共和。王崩于彘。在位十七年。并共和三十七年。

王奔彘

共和

元年庚申二相共理國事。晉釐侯儉不中禮。由是唐之變風始作。十四年厲王崩于彘。太子靜長於召公家。二相共立之為宣王。

宣王

名靜。厲王之子。

元年甲戌召公周公輔王修政。法文武成康之遺風。王命召公伐平淮夷。申伯仲山甫順天下。更失理。喻德教。舉遺士。海

任申伯
仲山甫
不籍千
敵

內翕然向風。諸侯復宗周。尹吉甫作詩
美之。王不籍千畝。虢公諫曰。民之大事
在農。故稷為大官。今欲修先王之緒而
棄其大功。匱神之祀。困民之財。將何以
求福用民。王不聽。出國語周語。千畝謂
天子躬耕籍田。以勸
農 ○二十三年。王嘗晏起。姜后脫簪珥。
待罪於永巷。使其傅母通言於王曰。王
樂色而忘德。失禮而晏起。亂之興自婢
子始。敢請罪。王曰。寡人不德。實自生過

勤政

非夫人之罪也。自是勤於政事。早朝晏

罷。卒成中興之名。

永巷。內庭之室也。簪
珥。冠以首飾也。傅母。

婦人之師傳也。言姜后自
責如此。出東漢皇后傳。

○二十九年。

戰於千畝。王師敗績于姜氏之戎。

韋昭曰西

料民太
原

夷豹種四
嶽之後

王既喪南國之師。乃料民於

太原。仲山甫諫曰。古者不料民而知其

多少。且無故而料民。天所惡也。害於政

而妨於後嗣。王卒料之。

料。謂簡料其數。
知多寡也。以上

殺杜伯

出國語

○四十六年。初王將殺其臣杜伯

而非其罪。伯之友左儒爭之於王。九復之。而王不許。王曰。汝別君而異友也。儒曰。君道友逆。則順君以誅友。友道君逆。則師友以達君。王怒曰。易而言則生。不易則死。儒曰。士不枉義以從死。不易言以求生。臣能明君之過。以正杜伯之無罪。王殺杜伯。左儒死之。在位三十七年。

崩不言子宮涅立

幽王名宮涅。宣王之子。

元年庚申王無道趙奄父周大夫之子叔帶

去周如晉。始建趙氏于晉出史趙世家○二

年。西州三川皆震。伯陽父曰。昔伊洛竭

而夏亡。河竭而商亡。今周德若二代之

季矣。其川源又塞。塞必竭。川竭山必崩。

國亡不過十年。數之紀也。韋昭曰。數起於一。終於十。

十則更。故曰紀也。是歲三川竭。岐山崩。出周語初

夏之衰也。褒人之神。化為二龍。以伺王

庭。而言曰。余褒之二君也。夏后卜殺之。

山崩川竭

留之莫吉。卜請其祭而歲之吉。

韋昭曰。祭龍所

吐沫。沫。龍之精氣也。

乃布幣而策告之。

韋昭曰。以簡策之書

告龍而請其祭也。

龍亡。祭在積而歲之。傳及殷

周。莫之發也。厲王之末。發而觀之。祭流

於庭。不可除也。王使婦人不幃而譟之

化為玄龜。

索隱曰。龜亦作蜃。音元。玄。蜃。蜃。蜃。蜃。

入于王府。

府之童妾。未既齒而遭之。

齒。毀齒未盡也。勅敬反。

既笄而孕。當宣王時而生。不夫而育。懼

而棄之。時童謠曰。絜弧箕服。實亡周國。

有夫婦鬻是器者。王使執而戮之。逃於

道而見鄉。

音者。後宮童妾所棄妖子。夫

婦哀其夜號而取之。逸逃于褒。褒入褒

姁。

人名。有獄而入是女於王。王遂置之

也。棄女子出於褒。是為褒姒。○三年。

王之後宮。見褒姒而嬖愛之。褒姒年十

四。與虢石父比而譖申后太子。○周大

夫尹氏及祭公。導王為非。

尹氏。世卿。故稱氏。祭公。周

導。教也。士。○九年。王竟以虢石父褒姒之

舉火戲諸侯

虢石父用事

譖廢申后。及太子宜臼。以褒姒為后。以其子伯服為太子。宜臼出奔申。太史伯陽曰。既成矣。禍既音無可柰何。褒姒不好笑。王說之萬方。故不笑。王與諸侯約。有寇至。舉烽火為信。則舉兵來援。王欲褒姒笑。乃無故舉火。諸侯悉至。至而無寇。褒姒大笑。褒姒好聞裂繒聲。王發繒裂之。以適其意。○虢石父為人佞。善諛。好利。徐慶曰。諛作諂。王以為卿。用事專任。國人皆

犬戎殺王

怨。政治多邪。諸侯或畔。王室始騷。○王嘗為太室之盟。戎狄叛之。○十一年。王欲殺故太子宜臼。求之於申。申侯弗予。王伐之。申侯與鄆人召西夷犬戎伐王。王舉烽火徵兵。兵莫至。在位一十三年。犬戎遂殺王于驪山下。虜褒姒并殺鄭桓公。盡取周寶賂而去。諸侯即申國立。故太子宜臼。是為平王。以奉周祀。
怨曰汲冢紀年曰。幽王死。申后立平

王於申。虢公立王子餘。二王並立。餘為晉文侯所殺。是為雋王。與舊史不同。

秦始皇

秦襄公衛武公將兵救周平戎。戰甚力。有功。衛康叔之後。康叔。武王弟也。秦伯益之後也。秦由此取周所棄之地。國始大。卒併諸侯代周而有天下。出史秦紀及衛世家

平王

名宜曰幽王之子

元年

辛未是時幽王既為犬戎所殺。豐鄩

洛東遷於

齊楚秦晉漸大

逼近戎狄不可居。乃東遷都于洛邑。自都洛邑之後。王室微弱。號令不行於諸侯。政由方伯。齊楚秦晉漸大。齊太公呂望之後。楚之先。黃帝之後。周初有鬻熊。事文王。成王之時。封其子熊繹于楚。姓芊氏。芊音靡秦伯益之後。姓嬴氏。周孝王之時。有非子者。善養馬。孝王封為附庸。諸侯。邑於秦。晉之先。唐叔虞。蓋武王之子也。成王與唐叔虞戲。剪桐為珪。於是

魯隱公立

封叔虞於唐。國又號晉。更歷春秋之世。此四國更相征伐。天子不能制。以上出史齊楚

秦晉世家

隱公不書即位

怨曰。春秋隱公不書即位。左氏曰。攝也。公羊氏曰。隱長而賢。諸大夫立之。凡隱之立為桓也。穀梁曰。君之不取為公。將以讓桓也。夫非已有而總其事。謂之攝。已有之而推與人。謂之讓。惠公愛少子而立為太子。公薨。國人

不與而立隱公。隱公嘗曰。吾將讓焉。而眷戀君位。莫能踐言。羽父伺其間隙。而遂成篡奪。虛辭兆禍。隱實為之也。

孔子修春秋

四十九年。魯隱公元年也。魯公周公伯禽之後。天子微弱。賞罰不行。孔子修魯史春秋。始於魯隱公元年。蓋寓褒貶於賞罰。以正一王之法。以上見魯及在位孔子世家五十二年崩。不言壽年平王崩。子之子林立。

桓王名林平王之孫

元年戊壬○九年魯桓公元年也。衛州吁

弒其君自立。國人殺之。出左傳○十三年

伐鄭。鄭與王戰。射王中肩。王亦能軍。鄭

人遣使謝勞。出左桓五年鄭之先。宣王之弟

也。宣王封之於鄭為伯爵。出鄭世家二十三

年。魯莊公元年也。在位二十三年崩。子

佗立

怨曰。西周昭王始衰。至厲王而大壞。

宣王振脩紀綱。天下翕然宗周。幽王

無道。平王東遷。晉鄭夾輔。諸侯賓從。

自桓王伐鄭。師敗王傷。天子威令下

同列國。吳楚越本小國而迭為盟主。

東周之王。無中主之才。歷二十世。至

赧王卒滅亡。詩曰。不吊昊天。亂靡有

定。式月斯生。俾民不寧。言天下亂日

益甚也。

莊王名佗。桓王之子。

天子威令同列國

鄭伯射王中肩

元年乙酉○三年。周公黑肩欲弒王而欲

立王弟克。辛伯告王。王殺周公。王弟克

奔燕。出左傳○四年。王姬歸于齊。使魯主

昏。魯人築館于其外。出左莊元年○十二年。

齊小白歸國。是為桓公。用管仲為相。遂

霸諸侯。出國語在位十五年崩。不言壽年子胡

齊立

釐王名胡齊。莊王之子

元年庚子齊桓公會諸侯于北杏。遂人不

至。齊人滅遂。出左莊十三年。遂國在齊北蛇丘縣○三年。

齊桓公始霸。會諸侯為盟主。桓公用管

仲為政。四民不使雜處。制國為二十一

鄉。作內政而寄軍令。謹正鹽筴。桓公專

任管仲。號曰仲父。國事皆令問仲父。故

管仲得以盡其材。故能九合諸侯。不以

兵車。成霸功者。管仲之力也。出論語及管子

怨曰。管仲之書。大抵審輕重法術。持

度量權衡以籠天下之權。致鄰國之

威公作
內政正
蓋莢

齊小白
歸國

弱。盡地利以成富強。完兵械以臨不
服。仗王室之威。為諸侯之長。其術類
商鞅。其言如韓非。其寬厚曠大則過
之。固非王者之佐矣。管仲之德。蓋不
及其才也。

釐王在位五年崩

外紀不
言壽年

子閔立

惠王

名閔。釐
王之子

元年

乙巳

初。莊王愛少子子頹。有寵欲立

為太子而不克。至是大夫邊伯五人怨

子頹亂

惠王。召燕衛伐周。王出奔溫。居于燕。鄭

衛及諸大夫立頹為王。於是鄭伯虢公

周同姓也

同謀帥師伐周。殺子頹。奉惠王歸

周。王子虢公酒泉

名邑

鄭伯由是始。惡王

以上參用左
傳史記文內

○十年。賜齊侯命。且謀伐

衛。以其立子頹也

出左莊二十七年。賜
命諸侯。伯衛立子頹

在前王追
怨衛故伐

○十六年。魯閔公元年也。晉

獻公作二軍。公將上軍。太子將下軍。○

十八年。魯僖公元年也。狄伐邢。齊桓公

閔公僖
公立

帥諸侯救邢。遷邢于夷儀。以上並出左傳○二

十一年。齊桓公伐楚。責其不供。王祭楚

子使屈完乞盟于召陵。出左傳在位二

十六年崩。不言壽年子鄭立

襄王。名鄭。惠王之子

桓公葬於葵丘之會

元年。庚午齊桓公會諸侯於葵丘。王使宰

孔致胙於齊。桓公使無下拜。桓公曰。天

威不遠。顏咫尺。乃下拜。登受。胙。祭肉也。拜於堂下。

受胙於堂上。出左傳九年。王以戎難告齊。齊

桓公使諸侯戍周。魯僖公十一年。戎伐京師。遷為王室之難。

○九年。桓公卒。初。惠王少子叔帶。有寵

惠后。欲立之。而不克。叔帶欲與戎狄伐

周。王知之。將誅叔帶。叔帶奔齊。左傳。惠王三年。奔齊。

齊乃魯僖公十一年○十七年。狄人奉叔帶伐周。

王出奔鄭。狄人立叔帶為王。是時。晉文

公始返國。敗楚師於城濮。王告急於晉。

晉文公帥諸侯伐周。而殺叔帶。奉王歸

周。王賜文公為侯。伯。出左傳。僖公史記曰。賜晉文公珪。鬯。弓。

狩河陽

夫為伯。及河內之地。

○二十年。晉文公召王會之

河陽踐土。諸侯畢朝

出史記春秋諱之書曰天王狩于河

也。陽○二十六年。魯文公元年也。在位二

十四年崩。子壬臣立

頃王 名壬臣。襄王之子。

元年 癸卯 ○三年。魯叔孫得臣敗狄於鹹

獲長狄三人 出左文 在位六年崩 不言壽年

子班立

匡王 名班。頃王之子。

元年 巳酉 ○三年。使甘歆敗戎于邲垂國

語。甘邑周 ○四年。魯宣公立。在位六年

崩 不言壽年 弟瑜立。是為定王

定王 名瑜。匡王之弟。

元年 乙卯 楚莊王始霸。楚本子爵。夷王之

世。已僭稱王。厲王暴虐。乃去王號。東遷

之後。王室微弱。遂僭號稱王 略見史 ○

三年。楚伐陸渾之戎。觀兵于周郊 作郊左

王使王孫滿勞之。楚子問鼎之大小輕

楚莊王 霸

楚子問鼎

重。欲逼周取其鼎。此左無滿對曰。在德不在鼎。周德雖衰。天命未改。鼎之大小。未可問也。楚子羞懼而退。左傳宣三年○十年。楚莊王伐鄭。晉荀林父帥師救鄭。楚大敗晉師于邲。出左宣十二年○十七年。魯成公元年也。○十八年。晉卻克以齊侯侵逼魯衛。遂請於晉侯。帥師伐齊以救魯衛。大戰于鞍。齊師敗績。出左宣十八年王在位二十二年崩。不言年子夷立。

楚成公立

簡王

名夷。定王之子。

元年

丙子伊洛之戎侵宋。

○晉遷都于新

田。謂之絳。以絳為故絳。出左成元年二年。吳

吳通晉

始通於晉。初太王長子大伯讓位季歷。自竄於荆蠻。荆蠻之人義而從之。自號

句吳。武王克殷。封大伯之後於吳。至十

九世之孫壽夢。其國始大。

以上參用先史記文

先

是楚莊王伐陳。陳夏徵舒之母夏姬。色甚美。莊王欲取之。申公巫臣諫止之。楚

楚巫臣怨

令尹子反亦欲取之。巫臣又諫。子反亦不敢取。夏姬，鄭女也。巫臣使之歸鄭。巫臣奉命聘晉，遂過鄭，取之以行。子反以為賣已，遂族巫臣之家。巫臣怨楚，晉楚世為仇敵。巫臣請於晉侯，乞通吳于晉，合力以牽制楚師。於是晉侯使巫臣聘吳。巫臣乃教吳車戰，使之伐楚楚。於是始疲於奔命。出左成二年及七年○十一年，魯成公十六年也。鄭叛晉，即楚。晉欒書奉厲

悼公立

公伐鄭，楚來救。晉與楚戰于鄢陵，大敗楚師，射楚子中目。楚殺其令尹子反，遂退師。出左成十六年○十三年，晉悼公立。悼公年方十四，而甚賢明，乃命百官施舍已責，逮鰥寡，振廢滯，匡困乏，救災患，禁淫慝，薄賦歛，宥罪戾，節器用。時民用，使魏魴、魏頡、趙武為卿。凡六官之長，皆民譽也。舉不失職，官不易方，爵不踰德，旅不逼師。民無謗言，所以能復霸。出左成十八年

襄公立

十四年。魯襄公元年也。在位十七年崩

不言子泄心立

靈王

名泄心。簡王之子。生而有鬚。

元年

庚寅

晉荀罃帥諸侯大夫會于戚。遂

城虎牢

左襄二年文小異。鄭叛晉。從楚。故城虎牢以逼之。

○三

年。無終子嘉父使孟樂如晉。因魏絳請

納虎豹之皮以和戎。晉悼公曰。戎狄無

親。不如伐之。魏絳曰。諸侯新服。陳鄭來

和。將觀于我。我德則睦。否則携貳。因陳

和戎五利

和戎有五利。晉侯乃使魏絳盟諸戎。十

年。鄭人賂晉以歌鐘。罃音博磬女樂。悼公

以其半賜魏絳。曰。子教寡人和諸戎。狄

以正諸華。九年之中。如樂之和。無所不

諧。請與子樂之。

子生。在位二十八年崩

出左襄四十年

二十一年。孔

子生。在位二十八年崩

不言

子貴立

景王

名貴。靈王之子。

季札觀樂

元年

丁巳

吳使季子聘於魯。請觀周樂。魯

人為奏六代之樂

出左襄二十九年及史世家

○四

子朝亂

年魯昭公元年也。○十八年。太子聖卒。王少子朝有寵。王欲立之。未果。在位二十八年崩。不言壽年單子劉子周之相立王次子猛為王。子朝因舊官百工之喪職秩者。帥要餞之甲以逐劉子。劉子奔揚。單子奉子猛於莊宮。子朝之徒夜使人取猛以歸。單子出奔。子朝之徒奉王猛以追單子。晉人帥師納王猛于王城。王猛卒。諸大夫奉王猛母弟丐為王。出左昭

敬王

名丐。景王之子也。諸大夫立為王。子朝尚據王城。敬王不

得入。晉師與諸大夫攻之。

元年。壬午周大夫尹氏立子朝為王。單子

劉子與晉師攻之。未克。○二年。子朝率

師出攻諸邑皆克。○四年。晉師及劉單

之師。進攻克之。子朝出奔楚。敬王入于

王城。以上出左昭二十六年○十一年。魯

定公元年也。○十四年。吳伐楚入郢。初

敬王入

吳伐楚

蔡昭侯朝楚

文王之後

子

楚令尹子常不

加禮而求賂。昭侯怨之。以其子為質於

吳。乞師伐楚。於是吳王闔閭

子爵稱王也

與

蔡侯唐侯伐楚。子常禦之。三戰。子常知

不可。欲奔。再戰。又敗。子常奔鄭。吳師五

戰及郢

楚所都

楚昭王出奔于隨。吳人入

郢。處于王宮

出梁殺

初。伍負與申包胥為

友。皆楚人也。伍負父為楚平王

昭王之父

所

殺。負奔吳。與包胥別。負曰。我必覆楚。包

胥曰。我必復之。伍負既奔吳。遂導吳伐

楚。既入郢。遂鞭平王之尸。包胥乃如秦

乞師。秦伯使就館。包胥依於庭牆而哭。

日夜不絕。飲食不入口七日。秦哀公為

之賦。無衣。乃為之出師。申包胥以秦師

至。遂敗吳師。吳師乃歸。昭王復國

出左定公

及伍子胥傳

○十六年。子朝之徒作亂。王出

奔於晉

出左定六年內

○十七年。晉侯率師納

王。王入於王城

出左定七年內

○二十四年。

申包胥復楚

孔子為
司寇

吳闔廬伐越。為越所敗。重創而死。其子夫差立。誓於復讎。○三十四年。孔子由魯司寇攝相事。其初人謗曰。麇裘而鞞。投之無戾。鞞之麇裘。投之無郵。三月。政成化行。民誦之曰。衮衣章甫。實獲我所。章甫衮衣。惠我無私。出家語

怨曰。子產從政一年。輿人曰。孰殺子產。吾其與之。三年。誦之曰。子產而死。誰其嗣之。孔子為司寇。司寇得政已數年。攝行相事。民謗之。三月而後。誦之。彼一賢一聖。猶得民若此之難也。後之為政。善惡興於愛憎之口。毀譽出於狡獪之吏。非至當論也。

吳入越

三十六年。魯哀公元年也。夫差伐越。敗越于夫椒。遂入越。越。其先夏禹之後也。封於越。為諸侯。越子句踐既敗。以甲楯五千棲于會稽。使大夫種行成於吳。夫差將許之。以上參用史文伍員諫曰。不可。

吳晉爭長

句踐能親而務施。施不失人。親不棄勞。與我同壤。而世為仇敵。敵左於是乎克而弗取。將又存之。違天而長寇讎。後雖悔之。不可及已。及左姬之衰也。日可俟也。介在蠻夷。而長寇讎。以是求伯。必不行矣。弗聽。退而告人曰。越十年生聚。而十年教訓。二十年之外。吳為沼乎。出左年○三十八年。吳夫差與晉侯相會於潢池。爭長。吳人曰。於周室我為長。晉人

孔子卒

曰。於姬姓我為伯。晉司馬寅曰。夷德輕。請待之。謂吳在荆也乃與之先。左哀十三年○四十一年。孔子卒。

怨白。包犧以來。聖王興利。知者創物。生民日用資而仰之。然其祠冢苗裔。自天子至於庶人。莫不宗奉。歷千餘年。未有如孔子之盛者。豈非君臣父子仁義禮樂之教。雖蠻貊之邦。不可斯須捨乎。

王在位四十四年崩不言壽年子仁立

元王名仁敬王之子

元年丙寅越侵楚楚追越師至冥不及乃

還秋楚伐東吳東夷越與國也○三年越伐吳

滅之初越句踐為吳所敗棲于會稽使

大夫種行成于吳吳王許之句踐反國

乃苦身焦思置膽於坐卧即仰膽飲食

即嘗膽身自耕作夫人自織折節下賢

厚遇賓客振貧吊死與百姓同其勞苦

越王嘗膽

二十餘年其民生長可用乃以伐吳吳

王兵敗棲於姑蘇吳使人行成請曰孤

臣異日得罪於會稽孤臣不敢逆命得

與君王成以歸今君王誅孤臣孤臣意

者亦欲如會稽之赦罪句踐不忍欲許

之范蠡曰會稽之事天以越賜吳吳不

取今天以吳賜越越豈可逆天乎且君

王早朝晏罷非為吳耶謀之二十年一

旦棄之可乎且天與不取反受其咎吳

吳王自

王乃自殺。句踐既敗吳，乃以兵北渡淮。

與齊晉諸侯會于徐州，致貢于周。元王

使人賜胙，命為伯。諸侯畢賀。並出國語及史越世

家元王在位九年崩。不言壽年子介立。

貞定王。名介，元王之子。

元年。丙寅魯哀公欲以越去三桓，不克。遂

遜于邾。桓，出左哀公二十七年。三十一

年。初，晉有智氏、趙氏、韓氏、魏氏、范氏、中

行氏，號為六卿。六卿強而專權。晉侯卑

弱，不能制。是歲，智伯與韓魏趙共滅范

氏，中行氏而分其地。出史晉十三年。

智伯又約韓魏共伐趙。趙襄子知之，守

備已具。智伯與韓魏攻之，凡三年不能

克。襄子使人告韓魏，韓魏乃反攻智伯

滅之，與趙共分智伯之地。出史晉十

一年。初，齊桓公之世，陳公子完得罪於

陳而奔齊。齊桓公使為工正。陳舜之後

也。武王封於陳為諸侯，完奔齊，更姓田。

子孫盛多。其後齊亂。公室卑弱。諸大夫自相爭奪。權歸田氏。田氏好施。以家量貸於民。而以公量收之。家量大斗。公量小斗。民皆戴之。國內多篡弒。立君皆由田氏。有田恒者。弒齊簡公。恒之子盤號襄子。為齊相。至是與三晉韓趙也通使。盡以其兄弟宗人為都邑大夫。出史田敬仲世家。及左莊襄哀三公文多。不○二十五年。秦伐義渠。虜其王。韓魏共伐伊洛陰戎。遺脫者皆西走踰汧隴。

中國無戎

自此中國無戎寇。惟有義渠一種。秦略見紀

王在位二十八年崩。不言壽年子去疾立。三

月。弟叔襲殺去疾而自立。是為思王。立

五月。少弟嵬貞攻殺思王而自立。

考王名嵬貞。定王少子。

元年。庚子是歲晉幽公立。止有絳曲沃二

邑。餘皆入於韓趙魏。出史晉世家王在位十

六年崩。不言壽年子午立。出史並

怨曰。孔子作春秋。筆削美刺。游夏不

能措一辭。魯太史左丘明以仲尼之言。高遠難繼。為之作傳。後之君子不敢紹續焉。左氏據魯史。因諸侯國書。繫年叙事。春秋之所貶損。其事實皆形於傳。後漢獻帝以班固漢書文繁。命荀悅依左傳體為漢紀。自是袁宏。張璠。孫盛。于寶。習鑿齒以下。並為編年之書。宋朝去古益遠。書益繁雜。學者專尚西漢書。博覽者乃及史記。東漢書。近代士頗知唐書。自三國至隋。下逮五代。懵然莫識。恕皇祐初舉進士。試禮部。為司馬公門生。侍大儒。得聞餘論。公脩資治通鑑。恕為屬吏。自念生平事業。無一成就。因取諸書以國語為本。編通鑑前紀。又以不能編後紀。乃更曰外紀。猶國語為春秋外傳之義。而病眼病瘡。不寐不食。陶潛預為祭文。杜牧自撰墓誌。夜臺甫爾。

通鑑外紀卷之四
四
歸心如飛。聊叙不能作前後紀而為
外紀焉。他日公為前後紀。則可刪削
外紀之繁冗。而為前紀。以備古今一
家之言。恕雖不及見。亦平生之志也。

少微通鑑外紀卷之四

